

ADORACION

On djoû d'adôrâcion à...

Lès curés ont distèlé dèl tauve po-z-aler tchanter veupes.

Come il avin' dèdja bèvu saquants vêres – c'est qui, on din.ner d'adôrâcion, vos-ôtes- c'èsteûve one bèle atèléye ! C'èsteûve au cia qui tchantereut l' pus fwârt !

Au docsau, l'ôrganisse ni saveut chûre. Et totes lès djins qu'èstin' à l'èglîje èstin' binaujes d'ètinde dès tchanteûs parèys.

Quand ç'a stî fait, divant d' moussî foû, gn-a one comére qu'atauche onk dès curés èt lî d'mander po-z-aler à cofesse.

L'ome rintère dins l' gayole, li comére s'adgnoléye èt dîre sès pèchîs.

Li curé li fait on p'tit prêtchemint èt vo-l'-la près' à lî d'ner l' pârdon.

Mins adon, li comére li côpe èt dîre :

- Causez m' co one miète, Mossieû l' curé, vos-avoz one si boune alin.ne !

André Ferard